



七錄齋近集目錄

卷十一

宋紀事論

太祖代周

收兵權

平荆湖

平蜀

平南漢

平江南

七錄齋集目錄 卷十一

太祖建隆以來諸政

禮樂議

治河

金匱之盟

吳越歸地 陳洪進附

平北漢

契丹和戰

西夏叛服 繼遷德明

交州之變



蜀盜之平

太宗致治

營田之議

至道建儲

咸平諸臣言時務

斡丹盟好

天書封祀

丁謂之姦

明肅莊懿之事

七錄齋集目錄

卷十一

二

郭后之廢

溫成事附

天聖災議

茶鹽權罷

正雅樂

慶曆黨議

夏元昊拒命

七錄齋近集目錄卷十一

終

七錄齋近集卷十一

婁東

張溥西銘

著

同里

張采受先

閱

金沙

周鍾介生

宋紀事論

太祖代周

韓通李筠李重進皆爲周室而死以義言之其  
殷之三仁乎通子橐駝兒多智畧知藝祖人望  
勸通早爲之所通不聽黃袍旣加謀集弓矢其

七錄齋集

卷十一

一

時晚矣李筠鎮昭義中書命至涕泣舉義李重  
進鎮淮南亦據揚州起兵一以四月死一以十  
一月死不量已力赴蹈湯火徒死何益然武王  
伐紂義士非之多士多方二篇之書于頑民不  
敢斥也呼之曰士夫五季道喪君臣義絕朝唐  
夕晉視爲故嘗大宋之興應天順人舉朝同聲  
連袂稽顙猶有三人爲周而死神農虞夏庶不  
没乎君子且爲宋賀其何誅焉筠初起義閩丘  
仲卿說其下太行抵懷孟塞虎牢據洛邑筠遣

明祖不守于土  
誠而克作友  
許于此者併  
修于天之

其言。徒恃儋珪槍撥汗馬以敗。重進使翟守珣  
往。路陰結筠。帝令之遊說。緩其謀。使當日二人  
謀定。後發。一時並舉。腹背皆敵。宋之爲宋。未可  
知也。楊堅篡逆。尉遲迥入討。四方響應。敗于韋  
孝寬而死。天方授楚。未可與爭。烏論成敗哉。

七錄齋集

卷十一

收兵權

收兵之謀發于趙普。普固文吏。利損將權。抑當藩鎮積強。華山桃林窮而必變。其道莫易也。杯酒論心。大將解印。不賞而勸。術則何居。漢高殘賊。專戮功臣。光武反之。曲務保全。俾遠吏事。藝祖赤心。既同。蕭王石守信等復恃。蕭曹故人之雅。不爲韓彭跋扈。時會適逢。投戈爲快。豈必盡說辭力哉。咸平年間。王禹偁言江淮諸郡毀城隍。銷兵甲者二十餘年。書生領州。蕩然無備。賈

七錄齋集

卷十一

三

昌朝于仁宗朝言將屢易。士不練。病在削方鎮。太過。二臣去。太祖世未遠。蒿目若此。豈開基聖主。當日不爲子孫計乎。觀其文臣典州。老將禦邊。久任責成。戰守並用。萬年景福。何嘗去兵。末世處堂。祖功有咎。赫赫文武。寧爲東遷貶德哉。南渡賊檜爲金人反間。納范同之策。召三大將入朝。盡收兵權。謬附前說。則又開門揖盜者矣。

平荆湖

湖南周行逢。荆南高保融。地勢相倚。猶唇齒也。行逢卒。子保權年僅十一。張文表自衡州舉兵。據潭州。將取朗陵。滅周氏。保權乞師朝廷。是時北觀荆渚。高氏世土。安若泰山。豈知王師假道。其國先亡哉。保融保最皆高從誨子。兄終弟及。廢政不治。及保最死。繼中立。叢勝成矣。文表之亂。須臾卽殄。不資宋力。然大兵壓境。先集荆南。繼冲無能。開門納土。直掇拾耳。荆南旣亡。湖南

七錄齋集

卷十

四

安能獨立。保權惑於張從富等。抗命不下。身爲俘虜。固其宜也。春秋魯僖公二年。書虞師晉師滅夏陽。五年。書晉人執虞公。夏陽。虞虢之塞邑也。滅夏陽。虞虢舉矣。藝祖取荆湖。猶是術也。然晉師狡。宋師直。君子無譏焉。行逢疾亟時。慮文表必亂。戒其子舉族歸朝。高保寅於保最之世。卽勸之首率諸國附宋。善爲國家宗族謀者。未有不審順逆者也。李觀象孫光憲之徒。可謂能

讀班彪王命論矣。

平蜀

劉裕之克長安也。欲久留屯。經畧西北。急於內禪。倉卒東還。輕以關中授孺子。遂有沈田子王鎮惡之變。夏王勃勃乘之。終晉迄陳。秦非中國有也。宋藝祖命王全斌等伐蜀。孟昶出降。兩川克定。猥以淫暴剽殺。全師雄因衆怒復叛。高彥暉戰死。曹翰曹彬等分道夾擊。始就殲滅。師不以律。雖勝亦敗。王者所以貴持盈也。昶爲知祥愛子。奢縱失國。餘慶長春。詞有先識。玄喆童稚。

七錄齋集

卷十一

五

妄握大師。文繡旌旗。適資衆笑。李昊之勸降。雖不若高彥儔之死義。然盱衡國勢。主猶劉禪。臣非姜維。北地之哭。不聞廟門。羅隱之詩。空嗟雕面。欲無修降表。其可得乎。昶母李氏。唐莊宗舊嬪也。誨昶任彥儔。疎王昭遠輩。昶不從而敗。及其卒也。毋憤不泣。以酒瀝地。嗟彼偷生。竟不食死國破家亡。悲歌大義。僅一老婦人。傷哉。

皆投者而存  
有於曠母也  
是也動合字



平南漢

劉隱據南海。傳國弟陟。再改名龔。術者言其不祥。又改龔。後劉鋹竟任龔澄樞以亡國。異哉。劉龔無道。爲弟洪熙所弑。晟復殺洪熙而自立。淫逆好殺。其世種也。鋹能幹蠱。撫柔越閩。北距五嶺。南負重溟。猶足自支。而不仁更甚。昆弟大臣。次第剪屠。婦寺盈朝。太阿倒執。尉佗黃屋。其可久乎。邵廷珩忠於國計。請飭兵備。通宋使。竟遭讒誅。南唐主承藝祖之命。遺書敦勸。情深三諫。之。不。滅。則。具。是。依。鋹。之。謂。也。潘。美。進。師。象。陣。奔。北。組。頸。闕。下。涕。沾。山。河。彼。暴。同。孫。皓。慙。猶。叔。寶。羊。頭。謠。應。酣。舞。降。王。五。十。五。年。豈。盡。天。數。哉。

七錄齋集

卷十一

六

反執行人。犯天怒。詩曰。謀之其臧。則具是違。謀

平江南

江南李景困於四戰。稟周正朔。宋初入貢。號爲順臣。子煜繼立。貶損制名。小心益謹。明天子在。上可以憐而赦矣。亟鼓朝氣。務盪平者。時當一統。地處必爭也。李景之世。杜著薛良奔宋。獻平江南策。藝祖戮辱境上。王者無私二心之臣。其知懼乎。迺樊若水懷憤不第。詣汴上書。圖造浮梁。帝復延之廟堂。遇以國士。謀吳之心。又何嘗一日忘也。煜喜讀書。屬文。工書畫。知音律。兼信

七錄齋集

卷十

七

浮屠法度。其才能亦梁簡。陳後主類。爾林仁肇忠謀被間。皇甫繼勳驕貴握兵。陽舍乖方。噬臍何悔。李牧誅而趙亡。范增死而楚滅。強大且然。况閭弱哉。五代風靡。置君如奕。太祖平荆楚。取巴蜀。俘劉鋹。太宗削吳越。伐太原。其臣死事者寥寥也。南唐之亡。李雄父子戰死。鍾倩舉族畢命。陳喬善柔。亦憤而自經。疾風勁草。吳猶有人乎。

能之者有矣  
不其得人未詳  
王忱乎亦延亨  
樊若水則文曰  
後也

太祖建隆以來諸政

藝祖受禪之元年。卽遣賑諸州。分幸太學。君道立矣。至開寶九年。崩。帝在位凡十七年。仁聲善政。史不勝書。惟信史珪石漢卿而殺張瓊。與鄭起楊徽之有私憾。而出爲縣令。高明柔克。未或盡善。帝亦旋悔之。無傷令德也。唐自安史之亂。政出方鎮。歷五代不解。專兵則好爭。專利則繁賦。專殺則苦刑。帝知其弊。痛改革之。先收兵權。然後以文臣知州。以朝官知縣。以京朝官監臨。

七錄齋集

卷十

八

財賦。又置運使。置通判。漸取其柄。天下勢一。號令。廼行防亂之嚴。未有密於此時者也。然歷觀行事。帝皆以仁者之意施之。非獨聖政有聖心焉。散禁兵而功臣無雲夢之疑。更法制而郡縣無商君之惑。知帝之志在於安天下。不在於私天下也。周官雖善。必本諸關雎麟趾。其是謂乎。初政取士。務絕徼倖。陶穀之子。不假以官。張齊賢有宰相才。遺留晉王。詩云。芄芃棫樸。薪之楛之。濟濟辟王。左右趣之。宜後世賢人君子於宋。

獨多也

帝王初造有視榜豈存功名勳業多取士仁氏  
者利位大洞已想永山河

七錄齋集

卷十

九

禮樂議

禮樂之難興也。創業之主猶嗷嗷焉。漢高祖禱粉榆祀蚩尤。興師滅秦。不好儒學。祠官女巫。雜置無統。叔孫通因時節文。野習綿葛。漢儀雖修。尊君抑臣。與古不當。樂章茂聞。惟傳制氏沛宮。大風一歌。孝惠時立原廟。令歌兒曹習吹相和。房中之樂。亦皆楚聲。唐興武德。四親廟建。祖孝孫張文收考古音。作大唐雅樂。旋宮之義。久亡而復。宋藝祖受禪。右文命竇儀定三禮。和峴正

七錄齋集

卷十

十

雅樂。二代修明。視漢爲優。顧於周官制作之原。未有睹也。雖然。三代損益。殷因於夏。周因於殷。禮之尚因也。久矣。漢因者秦。唐因者隋。宋因者五代。亡國禮樂存焉者寡。責豈獨在後王哉。周室文備。暴秦蕩滅。六代韶武。五行壽人。皆非始皇所悅。焚詩書者李斯。廢古樂者趙高。胡亥之世。雅音盡矣。沛公謾罵。制襲秦舊。雖有前王遺則。委棄弗道也。元魏典禮。史稱可觀。隋并天下。文參南北。至牛弘何妥。新樂旣成。專用黃鍾一

其時印有秦  
之破陣樂  
亦非古樂也

宮不假餘律。恐學家訾議。悉毀前代金石。樂益  
破散。煬帝繼之。倡優雜糅。身弑國覆。唐高鼎革。  
未遑改創。太常樂府所用多舊文爾。唐季五代。  
衰亂相仍。儀文不備。周世宗臨觀殿懸。歎樂凌  
遲。命竇儼王朴詳定律管。其聲頗高。藝祖因而  
立尺寸。審中和。十二律管作焉。禮樂之盛而忽  
亡也。朝廷惡之。而草野不敢議其亡而欲興也。  
草野議之。而朝廷不能斷。漢初之不議猶秦唐  
宋之初不斷猶隋周。是以越千有餘歲而莫定。

七錄齋集

卷上

十一

也。然盛德之主言禮樂。禮樂之作。本人倫。漢高  
祖侮慢太公。分羹擁篲。任呂后而殺功臣。寵戚  
姬而搖太子。幾危社稷。唐高祖悅晉陽宮人。太  
宗納巢刺王妃。卒胎武韋之禍。禮崩樂壞。孰大  
於此。安能與天地同和節哉。宋代嚴家法。尊理  
學。則庶幾近之矣。學者謂宋法周而失於弱。非  
虛也。

禮明書修補至世符國之初者皆竟飛空初治  
百教新收再禮了四初全

治河

漢唐建都關中。漢漕仰山東。唐漕仰江淮。運道所經。止河渭一路。宋都汴梁。四衝入達之地。漕運分四路。曰汴河。曰黃河。曰惠民河。曰廣濟河。而汴爲最重。然則宋初治河視二代尤急哉。神禹治河。自大伾而北。釀爲二。大陸而北。播爲九。主于分勢順導。周定王時。河徙而南。漢則大決瓠子。武帝君臣負薪宣房。哀傷作歌。屢徙屢決。數世不定。東京訖。唐河水與穀渭伊汝間溢爲

七錄齋集

卷二

十二

敗。無大橫決者。以河自漢未入千乘。而德棣之河。又播爲八。水有所洩而力分。偶合於禹功也。天子卽威武。水官卽四出。大畧循禹故道。則安。逆禹故道。則決。三代以來。未嘗改也。漢武憂河移徙。親沉璧馬。用事諸臣。爭言水利。瓠子旣歌。穿汾陰。通褒斜。鑿龍首。浚六輔。歲興大役。無功輒止。大不得已。惟有因其自然。勿加隄塞而已。宋初河決濮陽陽武。藝祖詔云。詳究經瀆。但導河至海。隨山濬川。未聞力制湍流。廣營圩岸。至

哉○王○言○賈○讓○三○策○茂○加○也○厥○後○河○再○北○徙○禹○跡○  
可○復○而○大○臣○喜○功○務○強○使○東○泲○水○逆○行○能○無○困○  
乎○然○唐○都○冀○方○三○面○距○河○轉○漕○利○兗○青○沿○濟○以○  
達○河○徐○揚○浮○淮○泗○以○入○河○荆○逾○洛○豫○浮○洛○以○達○  
河○雍○梁○咸○會○渭○以○亂○河○以○底○河○爲○至○而○總○銓○秬○  
服○粟○米○畢○賦○于○帝○畿○百○官○食○采○兵○寓○封○井○無○庸○  
事○漕○漢○高○祖○都○關○中○阻○三○面○而○守○獨○以○一○面○東○  
制○諸○侯○河○渭○漕○天○下○粟○入○京○師○給○中○都○官○者○歲○  
不○過○數○十○萬○唐○都○仍○西○漢○本○沃○野○饒○多○出○粟○高○  
祖○太○宗○時○用○物○節○而○易○贍○漕○東○南○之○粟○歲○不○過○  
二○十○餘○萬○石○宋○則○仰○食○四○方○寄○命○江○淮○漕○亟○而○  
河○患○殷○矣○汴○亡○而○河○遂○委○之○于○金○然○則○欲○治○河○  
者○盍○慮○先○省○漕○乎○





吳越歸地

河西竇融。吳越錢俶。異世並美。非以其知幾善  
順哉。俶初受宋命。同伐江南。沈虎子抗辭阻聽。  
比之草表伏闕。鸞刀茅旌。差稱慷慨。然天下旣  
定。一隅何爲。忘虞寄之忠。而效王元之之妄。多見  
其不知量也。漳泉陳洪進。初助留從效。殺黃紹  
頗。繼同張漢思。劫從效。未幾又取漢思而代之。  
鷹鷂翻覆。非宋莫歸。俶傾國入朝。西楚長淮。畫  
地居守。可以世世。而暴亡於太宗之賜宴。流星  
七錄齋集

卷十一

十五

雖墜。疑非考終。洪進黠武。一門萬石。年登上壽。  
公侯歸命。各有幸不幸乎。

平北漢

劉崇以漢祖知遠之弟。偏棲太原。與周世讐子  
鈞繼體。倔強不下。藝祖龍興。哀辭求存。赦而弗  
討。雖王者恤小量務兼容。抑地勢非中國所急  
也。鈞俎無子。劉氏嫡孫有繼文在。迎自契丹。使  
正君統。繫人心。結虜援。莫善於此。舍此不立。反  
王薛釗兒。匆匆遇弒。失策甚矣。張昭敏正論。復  
格不行。繼元何氏子。儼然弟及。讓位無恙。卽使  
賢明善守。不虧國步。漢家宗廟已久。絕食重以  
七錄齋集

卷士

十六

昏殘本支破滅。老成誅夷。時日害喪。其誰忍之。  
藝祖惡繼元之抗。六飛屢駕。懲于李光贊。趙普  
之言。揚師輒還。留爲邊蔽。太宗獨斷。整旅剪除。  
牽于契丹。勝負特見。以彈丸之區。盡中國之銳。  
卒之太原。雖下。而燕薊不復。帝謂文王。詢爾仇  
方。豈老謀猶有未審者耶。

留此一表及社國消之滴直塞乎

契丹和戰

太宗初卽位。平北漢。伐契丹。皆自將有功。幽州之圍。虜帥多降。指盼燕薊。將爲我有。忽敗于高梁河。脫身走免。後雖劉廷翰等追北。遂城楊業。斬將鴈門。而瓦橋關一役。僅能抵捍。終耶律賢之世。宋未有加也。賢死。隆緒立。蕭燕燕以一婦人。擁十二歲兒。專決國政。勢若可乘。而北伐議起。時帝當陽。又數年矣。用兵以來。所向必克。曹彬捷于涿州。潘美捷于環朔。田重進捷于飛狐。

七錄齋集

卷十

十七

蔚州勝勢在我。無慚弔伐。而帥違節制。敗績岐溝。自是陳家谷。君子館。輿尸屢告。自夏迄冬。王師三衄。帝遂厭兵。無志燕薊。論者謂張齊賢議撫馭。趙普請班師。老成謀國。不啻金湯。然山前後十六州。久淪左袵。汴京藩籬。勢在必爭。太宗進取未聞失策。且開國大帥。戮力中原。仁義若曹彬。驍勇若楊業。如能如罷。何遽不衛霍若而軍。旣次涿。反退。雄援糧一敗不支。諸路並喪。街亭之辱。武侯同貶。意者其天耶。建隆以來。契丹

自石勒到今  
不盡數百年  
矣

主元律殺其叔李胡。後畋懷州。爲近侍所弑。賢  
以世宗次子代立。身嬰風疾。委國蕭氏。乘亂而  
圖。或在斯時。藝祖以經營方夏。力有未遑。太宗  
鼓銳太原。而復謀疎河朔。大梁安枕。又何日哉。

七錄齋集

卷十一

十一

西夏叛服

西夏之役。廷臣異議。請棄靈州者。李至楊億也。請築浦樂耀德二城。以通河西糧道者。何亮也。請部分軍民。空壘而歸者。李沆也。夫靈武地方。千里表裏。山河唐藉。以中興非西漢。朱崖比唱。言可棄者非矣。拓跋夏者。故党項部戎種也。貞觀中歸唐。賜姓李。唐末。拓跋思恭鎮夏州。統銀夏綏宥靜五州地。討黃巢有功。四傳至繼捧。當宋太宗時。以家難入朝。撫綏拓清百世一日也。

七錄齋集

卷十一

十九

繼遷奔叛。設募離黨。可以計滅。帝誤聽王侁。徵還田仁朗。賊勢漸縱。又用趙普策。使繼捧入夏。招懷夫繼捧。懦而不制。繼遷狡而得衆。彼惟爲昆弟。諸父所怨。祈留京師。反令其歸。招繼遷。無論繼遷不肯下。反失一繼捧矣。繼捧再獲無益。中國而繼遷坐有五州。莫敢難也。田仁朗欲厚啗酋長。令圖折首。張齊賢議。招致蕃部。分地聲援。二說可行。復歸築室。靈州忽陷。夏廼日暹。繼遷中流矢死。德明初立。曹瑋願假精兵。乘其國

危子弱。擒送闕下。帝猶豫不報。至元昊習兵而  
宋重困矣。但慕春秋不伐喪而不知卧榻鼯睡  
太祖有明戒也。譏宋亡者云。聲容盛而武備衰  
議論多而成功少。於夏事已見之乎。

怪未得走原自有道極之燒之杜之聲之在封拱  
倘得直任其刻服藥毒無不可以應手若鷹較  
而告之在雅而留之也素極的應然而不執節位  
肯不在此而設執均和制實上第也力不富社

七錄齋集

卷十一

二十

交州之變

花○拔○之○敗○侯○仁○寶○首○禍○邕○州○之○屠○難○發○沈○起○二○  
臣○喜○事○開○釁○論○罪○文○州○皆○可○斬○也○然○太○平○興○國○  
中○黎○桓○囚○丁○璿○代○總○國○衆○不○臣○跡○著○討○非○無○名○  
獨○惜○仁○寶○獻○策○僅○爲○身○計○謀○之○不○詳○盧○多○遜○復○  
倉○猝○用○兵○未○成○廟○筭○遂○使○開○國○天○威○喪○於○趾○鳶○  
一○隅○後○雖○戮○將○罷○師○詔○書○羈○縻○桓○對○王○使○夷○歌○  
勸○酒○亦○貌○恭○而○已○豈○能○若○士○燮○化○越○俗○尉○佗○稟○  
漢○令○哉○黎○桓○旣○死○龍○廷○殺○兄○漲○海○方○亂○勢○可○摧○

七錄齋集

卷十一

三十一

枯○真○宗○姑○息○不○討○及○李○公○蘊○弒○黎○至○忠○稱○留○後○  
復○充○耳○置○之○反○行○封○賞○王○靈○頓○矣○馴○及○熙○寧○李○  
氏○繼○襲○世○已○三○傳○坤○厚○含○弘○爲○日○益○久○沈○起○逢○  
迎○安○石○構○怨○交○阯○與○王○韶○洮○河○之○役○一○時○並○興○  
空○死○蘇○緘○重○爲○國○辱○真○宗○可○伐○而○不○伐○神○宗○不○  
可○伐○而○伐○之○違○時○致○敗○起○罪○無○恕○重○於○仁○寶○矣○  
宋○鎬○等○至○交○州○言○其○土○風○茅○竹○編○屋○海○汊○娛○賓○  
標○魚○弄○虎○隔○絕○天○朝○服○而○舍○之○繇○來○已○然○奈○何○  
大○宋○獨○與○爭○也○



蜀盜之平

王小波李順亂于淳化。王均亂于咸平。不數年間。蜀凡再變。小波起閬閬。椎埋烏合。身死而順繼之。順死。張餘又繼之。猶東晉大盜孫恩之後。有盧循。循之後。有徐道覆也。王均領神衛卒戍益州。縱下標暴。軍士嘯呼。脇爲戎首。其唐龐勛乎。西蜀地狹民稠。若禁私市。編戶羣騁。一良有司。彈治之足矣。委柄宦官。將驕士惰。雖獲小勝。終敗道也。王均迫于亂卒。人心不固。鋤而去之。

七錄齋集

卷十一

二十二

易于李順。王繼恩四年而成功。雷有終一載而奏績。書畏兆民有以哉。張詠蒞蜀。先作士氣。化賊爲民。止亂之方。莫長于此。太宗好生。下詔罪已。聞者感泣。禹湯之興。勃焉。豈德宗奉天比乎。繼恩掖庭廝役。謬任檀車。賊敗復颺。功不補罪。乃明主。方惜繁縷。而執政欲書帶礪。何多諂也。

太宗致治

三代而下得正統者稱漢唐宋高祖反暴秦之  
跡呂后專政劉氏幾危太宗削平宇內推位讓  
父猶啓建成元吉之變藝祖受禪雖不正幸兄  
弟友愛賢聖序及人倫極盛而涪陵貶死武功  
自殺開寶宋后崩不成喪議者不能爲晉王恕  
也史稱帝服澣濯之衣毀奇巧之器却女樂戒  
畋遊絕遠物抑符瑞閔農考績講學勸諫彬彬  
至治成康文景亦曷尚茲獨天顯內虧貽譏大  
七錄齋集

卷十一

二十三

德假令堯戮帝摯之後舜驅丹朱於死尚書二  
典不作久矣又怪帝好直言鯁士滿朝若田錫  
王禹偁者流鋪陳治道何以獨缺五倫秦王之  
獄趙普進而盧多遜竄帝所傷心路人知之羣  
工左右宜默默也天下大物與子大經德昭縱  
存豈容再誤惜不得其死耳若青齊父老詠歌  
神聖願率子弟清路封禪泰山設武功南面又  
安能致此一統諸君往往業盛於開基而禍生  
於家室豈殺運相仍當時百六猶有未盡者乎

甚哉純乾之難處泰之不易也

易祖授于讓大物與身蓋王德名據天下  
于天竺者穆之靈之冠焉能產以本妙如  
其在不知月以要之

七錄齋集

卷二

二十四

營田之議

陳靖墾田之議。卽後魏李安世均田之策。皆官取閑田以授民也。安世之制。頗仿井田。審經術。准分藝。露田立還受之法。買賣合均給之數。公田非強奪。爭田以年斷。通行差便。靖則閒曠之田。有授無還。官給牛種。廣募遊惰。五年以後。收租責償。費多難行。馬端臨氏論之詳矣。然晉遭劉石傾覆。神州僭逆。相仍五方。淆亂。魏定燕趙。遂荒九服。地大網濶。鼎建勢易。安世因無制之

七錄齋集

卷十

二十五

民量人。畫野不耕之土。邑地相參。桑田無擾。露田必均。丘墟瘠鹵。盡成良疇。無王莽王田之害。有趙過代田之利。上下安之。未有起而與爭者也。宋承唐五季之餘。太祖削平諸國。除藩鎮。留州之法。粟帛錢幣。咸聚王畿。嚴守令。勸農之條。稻梁桑柘。務盡地力。再傳以後。法令密而議論多。因循易而改作難。是以引水溉田。黃懋言之。何承矩任之。屯田省運。陳堯叟等言之。太宗嘉之。勸民墾田。陳靖言之。陳恕等贊之。廟議舉行。

公私便益而皇甫選何亮片言排沮踰時立罷  
惜小費而亡大利國家興革其可庸人度量哉  
農田不修而後有方田方田作備而後有公田  
端拱至道之間既失于聽言之不斷熙寧元豐  
之際又失于任人之太專宋所以富强無策而  
日就削弱也

惟田之修否故難生美惡生未去結步坐身官  
窺第乃但之操與內田方而氏相西北人倚而  
曰階所以惟之全者不均之呼畫之移自但之

七錄齋集

卷十一

二十六

耕况三代之制已有在聖九一在平十一之不同而移在  
唐一區之理其不常然亦有廢矣亦曰固其地而為  
民力限其土而府物之道子生無餘土人盡  
游情於可為

至道建儲

太宗九子。元佐居長。聰警善射。狀貌類父。竟以  
狂廢。然推本心疾。繇痛秦王罪。非戾園仁。同漢  
惠舉世哀之。帝崩。王繼恩。李昌齡等謀立元佐。  
揆以立長。亦非逆節。但壽王元侃。父正東宮。一  
朝動搖。亂不可長也。寇準論建太子。勿謀他人。  
片言決議。神器有歸。無定策之名。安社稷之本。  
陳蕃寶武。悔謝弗如。呂端持重。善處大事。初佐  
秦王。勸其扈從河東。穆太宗之惑。決嫌疑。定猶

七錄齋集

卷十一

二十七

豫所素斷也。迨閉寺人于閣中。覲真王于殿上。  
元老垂紳。百官屏息。謂之顧命周公。其人涪陵  
之禍。元佐力救。豈曰下愚發疾。焚宮。貶就臣列。  
歷事真仁。儻然不怨。名爲清狂。終獲壽考。縱不  
得帝幸。無不孝弟名。此太宗所見而流汗也。

元佐存心反袁如此。非但中救于涪陵。當其任務粗

在奉之。而不忍。其格棄也。及其絕休而王其子

世業。當有向。去真宗上。多天。而能。以。品。廢。短。社。也。到。也。

惜矣

咸平諸臣言時務

稱宋治者以咸平景德間為極盛時天下一統已四十餘年君臣恭和百官奉職吏無殘賊風俗樸素四方有賔天子畢聞遣視災傷屢詔賑貸庶幾哉與西漢文景比烈矣未幾天書見封禪興改元大中祥符妖自上作帝德闕焉伊尹復辟告歸陳戒作咸有一德之書曰今嗣王新服厥命惟新厥德終始惟一時乃日新賢君尚終尤廩廩乎何真宗之不思也然咸景之際趙

七錄齋集

卷十

保吉陷靈州而裴濟死王均亂益州而劉紹榮死契丹隆緒大舉入寇而康保裔死王繼忠執數年以來干戈數勤廟堂旰食下求賢之詔決親征之師用雷有終以平亂卒用潘羅支以敗西夏用寇準以定契丹憂深計遠未嘗敢一日暇豫稱觴賜醕也澶淵功成侈大即彰玉清昭應會靈景靈土木繁起朝元寶符延恩天安神

怪恍惚五鬼握柄方士接朝民訛天變大業幾喪豈外患反福內寧反禍哉唐憲宗勵精元和

如終走是世  
解其索其  
字方有然兩王  
子年以極焉  
初是時第  
三  
聖如木公  
鄭廷美有  
皆向上化子  
不為之實心

原遠標印  
西歷禍之門  
於乾闥聖使  
尊帝原之  
春人主學動  
可不深之乎

擒劉闢於劔南。執李錡於浙西。縛盧從史於昭義。服王承宗於鎮冀。討吳元濟而淮蔡安。平李師道而淄青靖。剛明果斷。可望中興。而晚節稍隳。遽罹賊弑。後唐莊宗龍躍虎步。問鼎燕梁。三矢灑恨。大事立成。而荒佚盤遊。忽遭郭門高之變。憂患者生。安樂者死。有國家者之大致也。真宗治臻于虜寇而志惰于和盟。鮮終之憾亦以此耳。咸平諸臣。應詔直言。五事五議。猶然政聞。李沆爲相。日奏艱難。止邪未萌。則誠大臣格心先務矣。

七錄齋集

卷十



契丹盟好

澶淵親征。寇準決策。王欽若謂以天子爲孤注。夫咸平景德之際。契丹數寇。外張虛聲。輕中國南面之君。不能出國門一步。恣其恫喝。準力請渡河。軍心始壯。強將勁旅。左右夾輔。全而後動。豈僥倖人主哉。蕭撻覽射死。魏能楊延朗戰勝。虜勢漸衰。黃蓋嵩呼。請和使至。卷旆還國。軒革晏如。視彼閉門天雄者。何啻棘門灞上乎。晉孝武時。符堅入寇。謝安端坐。淝水大捷。準才有爲。

七錄齋集

卷十一

三十


過安親征之謀。謬云一擲。彼諂人者。誠罔極矣。宗真繼位。弱于隆緒。其母耨斤。才智又不如蕭太后。乃妄請關南地。可咄嗟勿聽。而仁宗厭兵。黽勉受之。富弼忠直。口折羣夷。力爭獻納。又爲晏殊所阻。增幣成盟。夫澶淵之行。乞和自虜。欽若猶以城下相譏。今胡爲乎不法。唐宗之擒頡利。而爲呂后之容冒頓。太平師濟。徒虛語爾。神宗御極。洪基稍微。漢過不先。卧鼓自若。王安石忽唱取與。許割分水。棄地七百里。遂開兵端。誰

乘國成卒勞百姓殆哉

七  
金  
齋  
集

卷  
十

三  
十一



天書封祀

漢武帝好神仙。舉朝卷舌。唯東方大夫諧謔善諫。帝笑而不罪也。真宗天書。上下同狂。孫奭苦諫。不避煩數。崔立孫籍周起等諤謬。盡荷包容。豈天子鑿空。心實知非。無庸震電耶。王欽若構害寇準。謂澶淵辱國。當以封禪洗之。棄人事。崇鬼魅。其說不經。帝亦徬徨朝宇。私畏大臣。迫王且納美珠。奉天冊。事遂速成。唐高立武后。非李勣不決。且失類。是後悔奚贖哉。準固社稷臣。受惑王曙。奏朱能偽書。得喪交懷。大賢易慮。不學無術。此其大者。後因以坐貶。身沒雷州。蚤建霍光之忠。晚負新垣之誚。五鬼可誅。一青難蓋。恐當年先爲瘦相笑矣。陝州魏野草堂作詩。諷且準乞休。言外遠致。似以茂陵封禪爲病。惜兩君子不悟耳。

丁謂之姦

丁謂善文章。與孫何齊名。王禹偁稱其韓柳以下。經畫夔州。功刊石柱。楊劉爭渡。斬囚濟師。其才豈王欽若等哉。乃陰賊發心。始附寇準。旋而背之。遂謀亂國。或云謂任術數。準能包荒。使爲我役。欽若之黨可孤。天書封祀。可不成也。然陰陽內外。道不相謀。謂必圖準。李沆先知之。準自不覺耳。周懷政之獄。朱能之叛。準皆可死。幸而得全者。聖朝寬大。公論尚明也。以謂之心。何日

七錄齋集

卷十

三十三

忘殺準哉。山陵穿穴。雷允恭恃寵自專。謂與附和。不道無將。或未敢出。然賊臣權宦。牢固官府。不乘太后之怒。正兩觀之誅。檣杌夔罔。必復書嘯。此去邪勿疑。王曾所以獨稱大臣也。劉德妙出入謂家。與丁玘通。造說龜蛇。老君極誕。小人干進。多假巫師。中貴人力究。以此獲敗。欽若似裴度。丁謂類贊皇。異人之言。又何足信。

明肅莊懿之事

劉德妃雖所出微。其明智英斷。亦宋一賢后也。真宗初欲立后。李迪難之。丁謂獨諂附。要楊億草制。後日垂簾。卽竄謂。不怨女。主初政。先誅四凶。海內肅然。又任王曾。呂夷簡爲相。魯宗道。薛奎等輔以讜論。虛懷無忤。至斥程琳之獻圖。却劉綽之進羨。帝王大度。邈乎唐德。憲以上矣。李宸妃后之侍兒。玉釵發兆。元良誕生。后取而子之。慈愛同已。出宸妃畏威。退處羣嬪。猶愈於成。

七錄齋集

卷十一

三十四

臯薄姬不獲近高祖也。妃薨。夷簡力請厚葬。涼薄。生前崇高。身後卽少仁。亦善補過者哉。間覽東漢后妃。明德馬后。養肅宗。賈氏不顯。章德竇后。養和帝。梁氏憂死。宮房嫉忌。婦人所不免也。兒女彼此。情尤極難。劉后素剛。賢章德遠甚。宸妃後宮等。夷度不過如南陽賈貴人耳。宜乎千秋以後。外戚無梁嫔之訟。天子篤敬陵之孝也。真宗不豫時。皇后決政。王曾進加恩太子之言。夷簡請一品禮斂宸妃。劉氏用安宮庭。母子。

間以善全爲本此尤三公大臣職哉

七錄齋集

卷之

三十五



郭后之廢

光武之陰后仁宗之曹后皆繼廢后得立垂美  
史書此適會天幸盛德之君終不忍言也東漢  
郭后豪家貴種光武擊王郎至真定納之有寵  
後以怨廢立陰貴人詔羣臣無上壽稱慶仁宗  
於郭后既廢居瑤華猶遣使存問賜以樂府二  
君明聖一時惑溺變易後宮谷風之刺慙愧積  
心豈如漢武唐高好色迷復乎明肅垂簾呂夷  
簡秉政善和中外獨於仁宗廢后身爲唱導夫

七錄齋集

卷十

三十六

人臣事帝后猶子事父母也父以無罪謫母子  
不能諫則已甚矣又助之攻陷父不義大逆當  
死才識如夷簡寧獨不聞乃感明肅則進安劉  
之策憾郭后則主長樂之議前爲順于後爲逆  
賊怨涓滴而罪江河萬世而下與李義府許敬  
宗同蒙惡聲莫非功各一念深爲累也范仲淹  
事明肅則請還政事仁宗則諫廢后子道臣道  
無不克盡夷簡獨怒而出之嗚呼綱嘗各教天  
下後世所同也百爾執事私喜怒於其間又何

爲乎

王旦按珠世天嘉張後恒祐陌武魏書官  
因恒廢世所三人同撰文而點

七錄齋集

卷十一

三十七



天聖災議

真宗崇奉天書。司天監每奏日食不應。羣臣表賀。迄仁宗卽位。其風未改也。天聖七年。玉清昭應宮災。范雍王曙等始獻直言。羣臣諂諛亦少變矣。原是宮之興自大中祥符元年。至七年而後成。丁謂竭蹶智能。夜以繼日。雕墻峻宇。遠過漢帝栢梁。武后明堂。一炬燹土。內庭震驚。然真宗好怪。符瑞踵來。野鷗山鹿。秋旱冬雷。莫不拜表公朝。一握爲笑。因循二十餘年。穹宮矗天。昭

七錄齋集

卷十

三十八

彰失德。後嗣欲誅牛腹之書。憚改先人之志。火烈具揚。須臾蕩滌。皇天所以善成人。聖也。成周宣榭講武之堂。桓僖二公魯之近祖。忽然而火。說春秋者。列戒不一。況無名之祀。不制之宮哉。諸臣因變救過。以燔爲幸。董生經義異於姚壽。媚寵矣。然王曾正色。由此罷相。西漢災異。策免三公。反累賢者。舉朝拱默於論諫。又何取焉。

茶鹽權罷

茶之有稅。始于唐趙贇。德宗出奉天。悼悔罪已。卽下詔罷之。旣而張滂復稅。取民悉矣。穆文之世。王播王涯增權害民。訖宋不改。乾德時東南六路。閩浙歸職方。餘尚未平。太祖權法。禁南商擅中州利。置場官買。太平興國中。樊若水建議。其法始密。厥後理財之臣。務盡遺利。數議更張。大槩無過林特之現錢買鈔。實錢筭茶。李諮之使客買茶。官場收利。主抑茶商及邊民耳。鹽筴。

七錄齋集

卷十一

三十九

始于齊管仲。鹽官始于漢孔瑾。東郭咸陽。鹽鈔始于宋范祥。召商中鹽。則端拱二年令也。然唐卽榷鹽。舉天下鹽利。歲纔四十萬緡。至大曆增六百餘萬緡。而宋元祐間。淮鹽與解池等鹽。歲四百萬緡。比唐世天下之賦。已三之二。紹興末。泰州海寧一監。支鹽三十餘萬席。爲錢六七百萬緡。則一州之賦。浮于唐之天下也。取贏而法峻。卽欲無病。不可得矣。夫茶之在民。可以無取者。也。鹽之在民。不能無取者也。可以無取者。捐。

以子民而不利其入則摧務貼射交引茶絲皆可乘而不言卽以茶博馬川陝置司但嚴虜禁豈厲民哉不能無取者弛之也非法斂之也有道或聽商人輸粟京師優其值給江淮鹽則折中倉可行也或運船回空便道載鹽散于諸路則鹽倉轉搬可行也或民丁竈戶許其私煮成鹽赴官告賣定價則官給牢盆可行也仁皇御極山澤弛禁茶不爲民害者六七十載天下歸美于韓琦相業徽宗之世蔡京改法一錢之利

七錄齋集

卷十一

四十

皆歸京師禁摧通商令或間行而請引抽盤商稅更酷其于鹽法則廢轉搬倉而置提舉官屢更制以罔小民虛張數以欺人主名爲充羨害深增額宋竟以此不振財利之難言也尤先達小人哉

宇宙自然之利爲社少民自取之也其利也

乃取傷益一舉之中有極名自榮平價則而允

後矣今日之壟視之往者孩是世焉幼不若人

學之集

正雅樂

梁武帝篤信佛法，制善哉大樂，大勸等樂十篇。法樂梵唄，童子之歌。而侯景亂起，陳後主遣宮人習北方簫鼓，酒酣度曲，哀思綺艷，男女隕涕。而隋師渡江，唐明皇升胡部樂於堂上，以涼伊井等州爲名，而安祿山竟反。宋徽宗鑄九鼎，制大晟樂，而汴京遂陷，新聲奇濫，喪亂接轡，信矣。然歷朝定鼎，傾否爲泰，時方大定，天子好文，制禮作樂，地天可通，而羣臣聚訟，朝夕數更，以明

七錄齋集

卷十一

四十一

堂潤色之典，生盈庭不決之疑。如汴宋築舍，言人人殊，又何異也。太祖受禪，乾德中有和峴樂。仁宗景祐中有李照樂，皇祐中有阮逸胡瑗樂。神宗元豐中有楊傑劉凡樂，哲宗元祐中有范鎮樂。至徽宗崇寧中，用魏漢津而樂益不可問矣。峴之言曰：王朴定尺，短於古石尺四分。樂聲較高，十二律管可更造也。照之言曰：編鐘樂斗，法依神磬，十二中聲可留，四清聲可去也。瑗之言曰：黃鍾律管徑三圍九，其法非古，不如和峴

律中私而生  
音律妙在  
內之在祖

舊樂之條理也。逸之言曰：周禮嘉量，聲中黃鍾。樂之本也。傑凡之言曰：八音律呂，皆以人聲爲度。執古器而調聲，必不合也。鎮之言曰：太嘗鍾鐘，非三代之法，莫能爲。以律生尺，非得一稔二米之真黍，莫能成也。數家之言：馳騁要眇，投竹管計秬粒，銅出太府，黍來上黨，曰石鍊磬，中金範鐘，宮架損而忽益，側垂改而復乖，辨証無形，是非角立，含聲更器，徐復笑其難用。周黼漢斛，司馬光謝而不觀，後聖復生，未有不反唇者也。

七錄齋集

卷十一

儒者交譏，而異端乘之。漢津以西蜀黔卒，妄稱鼎樂得諸神仙，九鼎本黃帝，身度祖大禹，且謂帝王中指律管所出，不經已甚，而尊信若神，總由彼此無稽，上下同惑，紛爭之後，變爲誕罔，所必至爾。然雅樂未正，治不加貶，而淫哇方奏，大亂卽生。學者鑒後王之所以失，卽可測前王之所以得矣。韓琦云：政平令簡，民物熙洽，治古極樂，象器難求，諒哉斯言。所謂不言樂而樂存者也。

也。此言之道，西房安妙，惟不以而和，亦正玉理，正安可也。

慶曆黨議

仁宗廢后呂夷簡贊之。君臣失德之大者也。孔道輔范仲淹等叩閣力諫。同時貶逐。公論邑邑者三四年。郭后暴崩。帝有悔心。仲淹劾竊聞文應言路稍開。夷簡被詆斥。羣臣爲朋黨。四賢一不肖之名遠播蠻貊。慶曆年間。正人拔茅。大姦脫距。聖德誠盛。亡何仲淹與富弼杜衍韓琦相繼罷位。二三君子進難退易。斯曷故歟。母后幽廢。變在乾坤。同爲臣子。義無緘默。執政雖貴。可

七錄齋集

卷十一

四十三

無怒也。一念之私欲。鉗言者揚波止沸。其勢益激。畏彼多口。呼爲黨人。榜朝堂。禁中外衆不加阻。是非更明。凡賢者名高。皆大臣媚嫉。玉汝於成也。仁宗景祐三年。戒羣臣越職言事。寶元元年。戒百官朋黨。慶曆四年。戒朋黨相託。數年以來。揭之詔書。惟恐人言以恭已樂受之。君懸誹謗妖言之律。豈其中心哉。宰相主之。左右助之。天下所非。謂之孤立。天下所是。謂之朋黨。雖其神聖。或暴或寒。莫能自必也。予尤痛心者。天子

雅知仲淹等賢。旋退旋進。至夏竦避位。石介作詩。內陽外陰。世已治矣。猥以欲速不達。貴倖側目。帝漸疑而弗任也。抑思治無大小。非久不成。孔子治魯。子產治鄭。咸先謗後歌。教管鞭箠。易于見德。飲食劇飽。易于見怨。此人情也。仲淹等既遭逢明主。發皇經綸。曷不以唐虞九年。姚崇十事。顯告黜座。寬歲月。考最績。使上下無疑。讒間不入。然後快所欲爲。而毀言方至。遽請行邊。君門萬里。一人窺隙。年非分陝。跡近居東。卽周

七錄齋集

卷十一

四十四

召當此政。何以立。且彼所改。更其最密者。無過嚴磨勘。裁任子。未嘗如揚水漸石。罷困臣庶。而盛朝寬大。不樂繩墨。帝方博愛兼聽。旦夕望治。聞言遽罷。責近効於二年。求王道以可喜。欲平無陂。不終日矣。夷簡於仲淹。始忌之。終敬之。安撫之役。亦曰公欲行政。宜留朝廷。賈昌朝章得象等。素比肩無忤也。恐其復入。尼之反甚。仲淹之志。不溷於所怒。而沮於所狎。庸人積薪視夸。夫專國禍較烈云。

夏元昊拒命

仁宗自用兵西夏以來。一敗於延州。二敗於好水川。三敗於鎮戎軍。兩三年間。喪師屢告。天子旰食。有道之世。戰危若此。佳兵不祥。信矣。元昊雄毅多畧。十餘歲時。卽諫父勿以馬易漢物。志在必叛。兼有華州二生爲之謀主。山訛善戰。助其慄銳。據地萬里。分布鐵騎。挺戈犯順。寧異天驕。然衛慕氏其母也。而弑之。山遇其叔也。而殺之。及爲子甯令哥娶婦。見沒移氏美。則自納焉。

七錄齋集

卷十

四十五

衛宣高陽兩鍾其惡。帝命不佐。亡可俟也。爲宋計者。用吳育之言。當僭表。初至姑許。所求密修戰備。拊背扼吭。使不敢動上。也不得已而行。范仲淹之策。嚴邊城。實關內。堅持踰年。敵必困弱。次也。乃張士遜庸人寡慮。輕動干戈。趣彼速反。延州之戰。黃德和先奔。劉平石元孫戰沒。士氣沮傷。西事日擾。繼以韓范行師。軍聲稍振。任福又違琦戒令。轉鬪陷伏。哨鴿摩天。橫尸盈野。定州嘗之役。葛懷敏復死。三戰皆北。關右震動。幸



